



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona”, broj 5/08), člana 45. stav (5) Zakona o izvršavanju Budžeta Unsko-sanskog kantona za 2023. godinu („Službeni glasnik Unsko-sanskog kantona”, broj: 6/23 i 11/23) i člana 12. Zakona o poticaju razvoja male privrede („Službeni glasnik Unsko-sanskog kantona”, broj 19/11), na prijedlog Ministarstva privrede, Vlada Unsko-sanskog kantona na 42. sjednici održanoj dana 10.08.2023. godine, d o n o s i

PROGRAM POTICAJA RAZVOJA TURIZMA ZA 2023. GODINU

POGLAVLJE I. OPĆE ODREDBE

Član 1. (Predmet Programa)

Programom poticaja razvoja turizma za 2023. godinu (u daljem tekstu: Program) utvrđuju se poticajne mjere i aktivnosti radi ostvarivanja ciljeva razvoja male privrede te prioriteta i kriterija poticaja razvoja male privrede u turističko-ugostiteljskoj djelatnosti u skladu sa raspoloživim finansijskim sredstvima.

Član 2. (Cilj Programa)

Cilj Programa je pružanje podrške subjektima male privrede, fizičkim i pravnim licima, definisanim Zakonom o poticaju razvoja male privrede („Službeni glasnik Unsko-sanskog kantona“, broj 19/11) koji su registrirani u okviru turističko-ugostiteljske djelatnosti, radi očuvanja, rasta i razvoja subjekata male privrede u turističko-ugostiteljskoj djelatnosti na području Unsko-sanskog kantona (u daljem tekstu: Kanton), povećanja zapošljavanja, povećanja kvaliteta i konkurentnosti male privrede, povećanja broja subjekata male privrede, povećanja udjela žena, mladih i osoba sa invaliditetom u turističko-ugostiteljskoj djelatnosti, podrška novoosnovanim subjektima, start up u cilju održivog razvoja i implementacije aktivnosti koje doprinose realizaciji mjera predviđenih Strategijom razvoja Unsko-sanskog kantona 2021-2027, kao i pružanje podrške fizičkim licima u pokretanju biznisa i samozapošljavanju.

Član 3. (Poticajne mjere)

Ciljevi definisani članom 2. ovog Programa realizirat će se kroz mjere:

- a) Jačanje konkurentnosti subjekata male privrede - fizičkih i pravnih lica u turističko-ugostiteljskoj djelatnosti,

- b) Podrška novoosnovanim subjektima male privrede,
- c) Podrška pokretanju vlastitog biznisa - Start up.

POGLAVLJE II. JAČANJE KONKURENTNOSTI SUBJEKATA MALE PRIVREDE – FIZIČKA I PRAVNA LICA

Član 4. (Predmet mjere)

Predmet mjere je prikupljanje prijave subjekata male privrede - fizičkih i pravnih lica u turističko-ugostiteljskoj djelatnosti, definisanih Zakonom o poticaju razvoja male privrede za **sufinansiranje** prihvatljivih troškova taksativno navedenih u članu 9. stav (1) i (2) ovog Programa.

Član 5. (Sredstva za implementaciju)

- (1) Sredstva za implementaciju ove mjere obezbijedena su u Budžetu Ministarstva na ekonomskom kodu 614500 FAP004 – “Subvencije privatnim preduzećima i poduzetnicima - oblast turizma” u ukupnom iznosu od 1.000.000,00 KM (slovima: jedanmillion konvertibilnihmaraka).
- (2) Sredstva iz stava (1) ovog člana raspoređuju se na:
 - a) fizička lica u ukupnom iznosu od 300.000,00 KM (slovima: tristotinahiljada konvertibilnihmaraka).
 - b) pravna lica u ukupnom iznosu od 500.000,00 KM (slovima: petstotinahiljada konvertibilnihmaraka).

Član 6. (Pravo učešća)

- (1) Pravo učešća imaju subjekti male privrede definisani Zakonom o poticaju razvoja male privrede („Službeni glasnik Unsko-sanskog kantona“, broj 19/11) – **fizička i pravna lica ili poslovne jedinice ukoliko pravno lice aplicira sa poslovnom jedinicom) registrirana do 31.12.2022. godine**, čija je osnovna ili dodatna djelatnost (ili djelatnost poslovnih jedinica ukoliko subjekt aplicira sa poslovnom jedinicom), turističko - ugostiteljskog sektora, unutar dozvoljenih određenih područja po Klasifikaciji djelatnosti KD BiH 2010 („Službeni glasnik BiH“, broj: 47/10) definisanih članom 7. stav (1) alineja a) ovog Programa.

Član 7. (Uslovi za dodjelu sredstava)

Pravo na dodjelu poticajnih sredstava ostvaruju subjekti male privrede definisani u članu 6. ovog Programa, a koji ispunjavaju sljedeće uslove:

- a) da na osnovu Obavještenja o razvrstavanju prema klasifikaciji djelatnosti Zavoda za statistiku obavljaju registrovanu djelatnost unutar dozvoljenih određenih područja djelatnosti prema Klasifikaciji djelatnosti KD BiH 2010 („Službeni glasnik BiH“, broj 47/10):

RB	PODRUČJE	OBLAST /GRANA/ RAZRED	DJELATNOSTI ZA KOJE SE DODJELJUJU POTICAJNA SREDSTVA
1.	I	55.10	Hoteli i sličan smještaj
		55.20	Odmarališta i slični objekti za kraći odmor
		55.30	Kampovi i prostori za kampiranje
		55.90	Ostali smještaj
		56.10	Djelatnosti restorana i ostalih objekata za pripremu i usluživanje hrane
		56.21	Djelatnosti keteringa
		56.29	Ostale djelatnosti pripreme i usluživanja hrane
		56.30	Djelatnosti pripreme i usluživanja pića
2.	N	77.21	Iznajmljivanje i davanje u zakup (leasing) opreme za rekreaciju i sport
		79.11	Djelatnosti putničkih agencija
		79.12	Djelatnosti tuoperatera
		79.90	Ostale rezervacijske usluge i djelatnosti povezane s njima

- b) da su registrovani do 31.12.2022. godine i imaju sjedište na području Kantona;
- c) čija djelatnost se odnosi na turističko-ugostiteljsku djelatnost;
- d) imaju pozitivno poslovanje u 2022. godini;
- e) da upošljavaju: fizička lica najmanje 1 (jednog) zaposlenog na neodređeno vrijeme (uključujući vlasnika), pravna lica minimalno 2 (dva) radnika, a poslovna jedinica 1 (jedan) radnik na neodređeno vrijeme zaključno sa danom objave Javnog poziva (izuzev u slučaju kada je ista adresa osnovnog subjekta i poslovne jedinice);
- f) da osiguraju vlastito sufinansiranje u ukupnoj vrijednosti projekta minimalno: fizička lica 15%, a pravna lica ili poslovne jedinice 40% (Izjava o vlastitom učešću finansijskih sredstava za realizaciju projekta-propisana i dostupna na web stranici Vlade Kantona www.vladausk.ba);
- a) da uredno izmiruju direktne poreze, doprinose za PIO/MIO i zdravstveno osiguranje i ostale naknade, prihode i takse (podnosioci prijava koji imaju sklopljen sporazum o servisiranju duga sa poreskim organima u Bosni i Hercegovini neće biti uzeti u razmatranje);
- g) da uredno izmiruju indirektno poreze, ukoliko su u sistemu PDV-a i ostale naknade, prihode i takse;
- h) da nije pokrenut ili okončan postupak stečaja ili likvidacije ili postupak gašenja, obustave ili ograničenja poslovne aktivnosti;
- i) da imaju izmirene obaveze po osnovu uplate boravišne takse na dan objave;
- j) da su opravdali sredstva dodjeljena po programu ovog Ministarstva iz prethodne tri godine i izvršili svoju obavezu definisanu u članu 34. stav (7) ovog Programa;
- k) Podnosioci prijava koji ne budu uskladili šifre djelatnosti sa Klasifikacijom djelatnosti KD BiH 2010, prijave će im biti odbačene i neće biti predmet daljeg razmatranja. Izbor

korisnika vršit će se isključivo na osnovu šifre djelatnosti iz Obavijesti o razvrstavanju poslovnog subjekta prema djelatnosti, koju izdaje Zavod za statistiku F BiH.

Član 8.

(Minimalan i maksimalan iznos sredstava koji se dodjeljuje)

- (1) Minimalan iznos sredstava za fizička lica po jednom korisniku iznosi 1.000,00 KM (slovima: jednahiljadakonvertibilnihmaraka), a maksimalni iznos sredstava za fizička lica po jednom korisniku iznosi 8.000,00 KM (slovima: osamhiljadakonvertibilnihmaraka).
- (2) Minimalan iznos sredstava pravno lice (ili poslovnu jedinicu ukoliko subjekt aplicira sa poslovnom jedinicom) po jednom korisniku iznosi 2.000,00 KM (slovima: dvijehiljade konvertibilnihmaraka), a maksimalni iznos sredstava za pravno lice (ili poslovnu jedinicu ukoliko subjekt aplicira sa poslovnom jedinicom) po jednom korisniku iznosi 20.000,00 KM (slovima: dvadesethiljadakonvertibilnihmaraka).
- (3) Ukoliko podnosioci prijava iz stava (1) i (2) ovog člana podnose prijave samo i isključivo za učešće na domaćim i međunarodnim sajmovima kao izlagači može se odobriti maksimalno do 2.000,00 KM (slovima: dvijehiljadakonvertibilnihmaraka).

Član 9.

(Namjena utroška sredstava i rok za implementaciju)

- (1) Sredstva iz člana 8. namijenjena **su za sufinansiranje troškova nabavke**: oprema kojom se omogućava pristup osobama sa invaliditetom u vanjske i unutrašnje prostore (liftovi, pristupne rampe i slično) i posebna sanitarna oprema za osobe sa invaliditetom (sanitarni čvorovi); nabavka softverskih rješenja i hardverske opreme (fiskalna kasa nije prihvaljiv trošak), unutrašnjeg uređenja poslovnog prostora (predračun za građevinske i instalacijske radove); unutrašnje opremanje objekta opremom neophodnom za obavljanje djelatnosti; nabavka sportske i rekreativne opreme za dodatne sadržaje (oprema za biciklizam, jahanje, pecanje, planinarenje, oprema za tenis, mali fudbal, košarku, rekreativne i trim staze, oprema za kampovanje, oprema za vodeni turizam kao što su kanui, kajaci, čamci, splavovi itd.); nabavka sigurnosne i zaštitne opreme (kacige, sigurnosni prsluci itd.) i opreme za pružanje prve pomoći; nabavka wellness i spa opreme; ulaganje u izgradnju, adaptaciju, sanaciju, dogradnju i rekonstrukciju sportskih i rekreativnih terena (unutrašnjih i vanjskih), wellness i spa objekata, bazena, jakuzija, dječijih igrališta, izletišta (sa klupama, stolovima, kantama za odlaganje otpada itd.), mapiranje i označavanje staza, šetnica, ulaganje u izgradnju, adaptaciju, sanaciju, dogradnju i rekonstrukciju objekata za držanje životinja u sportske i turističke svrhe (na primjer: štale za konje i ostalo), pristaništa za splavarenje/rafting, tehnološke modernizacije i inovacije poslovnih procesa – uvođenja sistema međunarodnih standarda kvalitete kroz odgovarajuće konsultantske usluge i edukacije za certificiranje sistema i stjecanje prava ili obnavljanja upotrebe: ISO standardi i drugih međunarodnih standarda i učešće na sajamskim posjetama/sajamskim izlaganjima kao izlagači i poslovni susreti na međunarodnom tržištu.

- (2) Utvrđeni troškovi sufinansiranja iz stava (1) ovog člana moraju biti **isključivo** namijenjeni djelatnosti koju fizičko ili pravno lice (poslovna jedinica) obavlja. Mašine, postrojenja i oprema koja se nabavlja ne može biti starija od pet godina.
- (3) Neprihvatljivi troškovi za koje se ne mogu koristiti sredstva su: podizanje krovnih konstrukcija, repromaterijal, vanjski građevinski radovi (osim prihvatljivih troškova navedenih u stavu (1) ovog člana, police osiguranja imovine i ljudi, kupovina i iznajmljivanje objekata, zemljišta, svih motornih i priključnih vozila, kupovina, obnova, rekonstrukcija ili modernizacija objekta za najam ili prodaju, plaće i doprinosi na plaće, kao i nabavka usluga i opreme od lica koja nisu registrovana kao poslovni subjekti, cesije, krediti, lising, kompenzacije i svi ostali mogući troškovi koji nisu u skladu sa namjenom projekta iskazanom u Prijavnom obrascu i Budžetu projekta.
- (4) Rok za implementaciju projekta je 6 mjeseci od dana potpisivanja Ugovora o dodjeli sredstava.
- (5) Svako korištenje odobrenih sredstava suprotno namjenama utvrđenim u stavu (1) ovog člana smatrat će se nenamjenskim utroškom.
- (6) Korisnici koji dobiju sredstava po ovom Programu ne mogu prestati sa radom u periodu od minimalno jedne godine od dana potpisivanja Ugovora o dodjeli sredstava, a u suprotnom su u obavezi vratiti dodjeljena sredstva u cjelokupnom iznosu.

Član 10.

(Kriterij za odabir korisnika – fizička lica)

Rb	Kriterij	Uslovi	Broj bodova	Izvor verifikacije (dostavljena dokumentacija)
1.	Broj zaposlenih	1 zaposleni	1	Lista osiguranih lica izdana od strane Porezne uprave
		2 i više zaposlenih	3	
2.	Broj zaposlenih iz ciljnih skupina (žene, mladi do 35 godina i osobe sa invaliditetom)	žene	1	Izjava podnosioca prijave o pripadnosti uposlenika sa liste osiguranih o pripadnosti ciljnim skupinama
		mlađi od 35 godina	1	
		osobe s invaliditetom	1	
3.	Vlastito učešće u ukupnoj vrijednosti projekta (minimalno 15%)	61% i više	3	Izjava o vlastitom učešću finansijskih sredstava za realizaciju Projekta
		31-60%	2	
		15-30%	1	
4.	Poslovanje subjekta male privrede u jedinicama lokalne samouprave	izrazito nerazvijene JLS	3	Uredba o izradi indeksa razvijenosti u F BiH, Federalni Zavod za programiranje razvoja
		nerazvijene JLS	2	
		razvijene JLS	1	
5.	Zaključen ugovor subjekta male privrede sa obrazovnim institucijama o obavljanju praktične nastave i/ili ferijalne prakse	Potpisani ugovori o izvođenju praktične nastave/ferijalne prakse za školsku 2022/23. godinu	2	Ugovor o izvođenju praktične nastave/ ferijalne prakse kod poslovnog subjekta između djeteta/staratelja, škole i subjekta male privrede

6.	Korisnik Poticaja Ministarstva privrede u prethodne dvije godine	Nije ostvario pravo na poticaj iz prethodne dvije godine	10	Službena evidencija Ministarstva
		Korisnik sredstava	1	

Član 11.
(Kriterij za odabir korisnika – pravna lica)

Rb	Kriterij	Uslovi	Broj bodova	Izvor verifikacije (dostavljena dokumentacija)
1.	Broj zaposlenih	do 9 zaposlenih	1	Lista osiguranih lica izdana od strane Porezne uprave
		od 10-49 zaposl.	2	
		od 50-250 zaposl.	3	
2.	Broj zaposlenih iz ciljnih skupina	žene	1	Izjava podnosioca prijave o pripadnosti uposlenika sa liste osiguranih o pripadnosti ciljnim skupinama
		mlađi od 35 godina	1	
		osobe s invaliditetom	1	
3.	Vlastito učešće u ukupnoj vrijednosti projekta (minimalno 40%)	81% i više	3	Izjava o vlastitom učešću finansijskih sredstava za realizaciju Projekta
		61-80%	2	
		40-60%	1	
4.	Poslovanje subjekta male privrede u jedinicama lokalne samouprave	izrazito nerazvijene JLS	3	Uredba o izradi indeksa razvijenosti u F BiH, Federalni Zavod za programiranje razvoja
		nerazvijene JLS	2	
		razvijene JLS	1	
5.	Zaključen ugovor subjekta male privrede sa obrazovnim institucijama o obavljanju praktične nastave i/ili ferijalne prakse	Potpisani ugovori o izvođenju praktične nastave/ferijalne prakse za školsku 2022/23 godinu	2	Ugovor o izvođenju praktične nastave/ferijalne prakse kod poslovnog subjekta između djeteta/staratelja, škole i subjekta male privrede
6.	Korisnik poticaja Ministarstva privrede u prethodne dvije godine	Nije ostvario pravo na poticaj iz prethodne dvije godine	10	Službena evidencija Ministarstva
		Korisnik sredstava	1	

Napomena: Ukoliko pravno lice aplicira sa poslovnom jedinicom registriranoj na istoj adresi kao i pravno lice, odnosno osnovni subjekt, kriterij bodovanja definisan pod rednim brojem 1. vršit će se na osnovu Izjave o broju uposlenika definisane članom 12. stavom (6) tačkom j.

Član 12.

(Prijava na Javni poziv i potrebna dokumentacija)

- (1) Sredstva se dodjeljuju na osnovu Javnog poziva kojeg raspisuje Ministarstvo, a koji će se objaviti u Unsko-sanskim novinama „Krajina“ i na web stranici Vlade Unsko-sanskog kantona (u daljem tekstu: Vlada Kantona): www.vladausk.ba.
- (2) Prijava na Javni poziv se vrši putem Prijavnog obrasca koji se preuzima direktno sa web stranice Vlade Kantona www.vladausk.ba.
- (3) Fizička lica uz prijavni obrazac trebaju dostaviti sljedeću dokumentaciju:
 - a) izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta minimalno 15%-propisana i dostupna na web stranici Vlade Kantona www.vladausk.ba, ovjerena pečatom podnosioca prijave i potpisana od strane ovlaštene osobe;
 - b) rješenje o registraciji od nadležnog gradskog/općinskog organa iz kojeg se može pouzdano utvrditi da se navedena djelatnost obavlja kao osnovno ili dodatno zanimanje (ovjera ne starija od 3 mjeseca od dana objave Javnog poziva);
 - c) ovjerena kopija Uvjerenja o poreznoj registraciji (ID broj) (ovjera ne starija od 3 mjeseca od dana objave Javnog poziva);
 - d) ovjerena kopija Obavijesti o razvrstavanju subjekta prema djelatnosti usklađeno sa klasifikacijom djelatnosti KD BiH 2010 Federalni zavod za statistiku (ovjera ne starija od 3 mjeseca od dana objave Javnog poziva);
 - e) Original ili ovjerena fotokopija Uvjerenja od Porezne uprave o izmirenju direktnih poreza, ostalih naknada, prihoda i taksa, doprinosa za PIO/MIO i doprinosa za zdravstveno zdravstveno osiguranje za sve uposlene (ne starije od 3 mjeseca od dana objave Javnog poziva);
 - f) original ili ovjerena fotokopija Uvjerenja o urednom izmirenju indirektnih poreza ostalih naknada, prihoda i taksa od Uprave za indirektno oporezivanje (ukoliko je u sistemu PDV-a) (ne starije od 3 mjeseca od dana objave Javnog poziva) ili Izjava podnosioca prijave da isti nije u sistemu PDV-a, potpisana i ovjerena od strane podnosioca prijave;
 - g) original ili ovjerena kopija Liste osiguranika izdana od strane Porezne uprave, ne starija od 30 dana od dana objave Javnog poziva;
 - h) kopija Specifikacija za utvrđivanje dohotka od samostalne djelatnosti (Obrazac SPR-1053) za 2022. godinu sa pečatom prijema Porezne uprave ili šifrom DLN ili Rješenje o paušalnom plaćanju poreza;
 - i) original ili ovjerena kopija potvrde općinskog/gradskog organa uprave da nije pokrenut postupak gašenja, obustave ili ograničenja poslovne aktivnosti (ne starija od 3 mjeseca od dana objave Javnog poziva);
 - j) izjava podnosioca prijave o pripadnosti/nepripadnosti uposlenika sa liste osiguranika o ciljnim skupinama (žene, mladi do 35 godina i osobe sa invaliditetom), potpisana i ovjerena od strane podnosioca prijave;
 - k) kopija dokumenta iz kojeg je vidljiv broj transakcijskog računa (ne može se mijenjati u proceduri dodjele sredstava) na koji će se sredstva doznačiti (ugovor, karton deponovanih potpisa, potvrda);

l) original ili kopija ponude ili predračuni sa uključenom tehničkom specifikacijom troškova, potpisana i ovjerena pečatom, izdana od odgovarajućih poslovnih subjekata za sve namjene utroška sredstava navedene u Prijavnom obrascu.

Dostavljena ponuda ili predračun ne mogu biti stariji od dana objave Javnog poziva, ukoliko se radi o ino ponudi ista mora biti prevedena potpisana i ovjerena od strane sudskog tumača.

m) kopija Ugovora o izvođenju praktične nastave/ferijalne prakse poslovnog subjekta između djeteta/staratelja, škole i subjekta male privrede;

n) izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona www.vladausk.ba).

(4) Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.

(5) Podnosioci prijave mogu podnijeti samo jednu prijavu po jednoj mjeri iz ovog Programa i isti nemaju pravo apliciranja na Javni poziv ovog Ministarstva po Programu poticaja razvoja male privrede za 2023. godinu. U slučaju više prijave istog podnosioca sve prijave će biti odbačene kao neosnovane i neće biti predmet daljeg razmatranja.

(6) Pravna lica uz prijavu na Javni poziv obavezno dostavljaju:

a) izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta u iznosu od minimalno 40%-propisana i dostupna na web stranici Vlade Kantona www.vladausk.ba), ovjerena pečatom podnosioca prijave i potpisana od strane ovlaštene osobe;

b) original **Aktualnog izvoda iz sudskog registra** (ne stariji od 3 mjeseca od dana objave Javnog poziva) ili ovjerena kopija istog;

c) ovjerena kopija Uvjerenja o poreznoj registraciji (ID broj) (ovjera ne starija od 3 mjeseca od dana objave Javnog poziva);

d) ovjerena kopija Obavijesti o razvrstavanju subjekta prema djelatnosti usklađeno sa klasifikacijom djelatnosti KD BiH 2010 Federalni zavod za statistiku (ovjera ne starija od 3 mjeseca od dana objave Javnog poziva);

e) original ili ovjerena kopija Uvjerenja od Porezne uprave o izmirenju direktnih poreza, doprinosa za PIO/MIO i doprinosa za zdravstveno osiguranje za sve uposlene (ne starije od 3 mjeseca od dana objave Javnog poziva);

f) original ili ovjerena kopija Uvjerenja o urednom izmirenju indirektnih poreza od Uprave za indirektno oporezivanje (ukoliko je u sistemu PDV-a) (ne starije od 3 mjeseca od dana objave Javnog poziva) ili Izjava podnosioca prijave da isti nije u sistemu PDV-a, potpisana i ovjerena od strane podnosioca prijave;

g) kopija bilansa stanja i bilansa uspjeha za 2022. godinu sa pečatom prijema od strane Finansijsko-informatičke agencije (FIA);

h) kopija Ugovora o izvođenju praktične nastave/ferijalne prakse poslovnog subjekta između djeteta/staratelja, škole i subjekta male privrede, **dostavljaju samo subjekti male privrede koji imaju potpisane ugovore o izvođenju praktične nastave;**

i) original ili ovjerena kopija potvrde izdane od strane Suda da se ne vodi stečajni ili likvidacioni postupak, ne starija od 3 mjeseca od dana podnošenja prijave;

j) original ili ovjerena kopija Liste osiguranika izdana od strane Porezne uprave (ne starija od 30 dana od dana objave Javnog poziva);

- k) Ukoliko pravno lice aplicira sa poslovnom jedinicom registriranom na istoj adresi kao osnovni subjekt dostavlja:
- original ili ovjerenu kopiju Liste osiguranika izdana od strane Porezne uprave (ne starija od 30 dana od dana objave Javnog poziva) za osnovni subjekat i
 - izjavu o osiguranicima koji obavljaju poslove u poslovnoj jedinici sa Liste osiguranika osnovnog subjekta, potpisana i ovjerena od strane podnosioca prijave;
- l) izjava podnosioca prijave o pripadnosti/nepripadnosti uposlenika sa Liste osiguranika o ciljnim skupinama (žene, mladi do 35 godina i osobe sa invaliditetom), potpisana i ovjerena od strane podnosioca prijave (odnosno sa liste iz alineje l ukoliko se prijava podnosi za poslovnu jedinicu koja je na istoj adresi kao i osnovni subjekt);
- m) kopija dokumenta iz kojeg je vidljiv broj transakcijskog računa (ne može se mijenjati u proceduri dodjele sredstava) na koji će se sredstva doznačiti (ugovor, karton deponovanih potpisa, potvrda);
- n) original ili kopija ponude ili predračuni sa uključenom tehničkom specifikacijom troškova, potpisana i ovjerena pečatom, izdana od odgovarajućih poslovnih subjekata za sve namjene utroška sredstava navedene u Prijavnom obrascu;
- Dostavljena ponuda ili predračun ne mogu biti stariji od dana objave Javnog poziva, ukoliko se radi o ino ponudi ista mora biti prevedena, potpisana i ovjerena od strane sudskog tumača.
- o) potvrda da su izmirene obaveze po osnovu uplate boravišne takse na dan objave Javnog poziva;
- p) Izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona www.vladausk.ba);
- (7) Ukoliko se Prijavni obrazac podnosi na poslovnu jedinicu, onda dokumente pod rednim brojem c) i d) iz stava (6) ovog Programa treba dostaviti i za osnovni subjekt i za poslovnu jedinicu, uz ostalu traženu dokumentaciju.
- (8) Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom;
- (9) Podnosioci prijava Pravna lica (ili poslovne jedinice, ukoliko pravno lice aplicira sa poslovnom jedinicom) mogu podnijeti samo jednu prijavu kao osnovni subjekt ili samo za poslovnu jedinicu;
- (10) Neblagovremene prijave neće se uzeti u razmatranje.
- (11) Podnosioci prijava mogu podnijeti samo jednu prijavu po jednoj mjeri iz ovog Programa i isti nemaju pravo apliciranja na Javni poziv ovog Ministarstva po Programu poticaja razvoja male privrede za 2023. godinu. U slučaju više prijava istog podnosioca, sve prijave će biti odbačene kao neosnovane i neće biti predmet daljeg razmatranja.

POGLAVLJE III. PODRŠKA NOVOOSNOVANIM SUBJEKTIMA MALE PRIVREDE

Član 13. (Predmet mjere)

Predmet mjere je prikupljanje prijave subjekata male privrede definisani Zakonom o poticaju razvoja male privrede za refundiranje troškova registracije i troškova nabavke opreme, softver opreme i unutrašnjeg uređenja proizvodno/poslovnog prostora (građevinski i instalacijski radovi) nastalih od 01.01.2023. godine do zadnjeg dana objave Javnog poziva i sufinansiranje troškova nabavke opreme, softver opreme i unutrašnjeg uređenja proizvodno/poslovnog prostora (građevinski i instalacijski radovi).

Član 14. (Sredstva za implementaciju)

Sredstva za implementaciju ove mjere obezbijedena su u Budžetu Ministarstva na ekonomskom kodu 614500 FAP004 – „Subvencije privatnim preduzećima i poduzetnicima - oblast turizma“ u ukupnom iznosu od 100.000,00 KM (slovima: stotinhiljadakonvertibilnih maraka).

Član 15. (Pravo učešća)

- (1) Pravo učešća imaju novoosnovani subjekti male privrede definisani Zakonom o poticaju razvoja male privrede („Službeni glasnik Unsko-sanskog kantona“, broj 19/11), registrovana/ registrovani od 01.01.2023. godine do zadnjeg dana objave Javnog poziva.
- (2) Pravo učešća nemaju subjekti male privrede čija djelatnost se odnosi na: proizvodnju oružja i vojne opreme, proizvodnju duhanskih proizvoda i alkoholnih pića, otvaranje kasina i drugih igara na sreću.

Član 16. (Uslovi za dodjelu sredstava)

Pravo na dodjelu poticajnih sredstava ostvaruju subjekti male privrede definisani u članu 15. stav (1) koji ispunjavaju sljedeće uslove:

- a) da su registrovani i imaju sjedište na području Kantona;
- b) čija se djelatnost odnosi na proizvodnu, proizvodno-uslužnu i uslužnu djelatnost;
- c) da upošljavaju minimalno: privredno društvo 2 (dva) radnika, odnosno 1 (jednog) radnika (uključujući vlasnika) samostalni poduzetnici na neodređeno vrijeme sa danom objave Javnog poziva;
- d) **za subvencioniranje troškova** da vlastito učešće u ukupnoj vrijednosti projekta iznosi minimalno 10% (Izjava o vlastitom učešću finansijskih sredstava za realizaciju projekta);
- e) da uredno izmiruju direktne poreze, doprinose za PIO/MIO i zdravstveno osiguranje (izuzev onih koji posluju manje od mjesec dana);

- f) da uredno izmiruju indirektne poreze, ukoliko je u sistemu PDV-a (izuzev onih koji posluju manje od mjesec dana) i
- g) da do dana podnošenja prijave nisu koristili poticajna sredstva iz budžeta Federacije BiH, Kantona, jedinica lokalne samouprave za istu namjenu za koju su podnijeli prijavu.

Član 17.

(Maksimalni iznos sredstava koji se dodjeljuje)

- (1) Sredstva za predmetne namjene utvrđene ovim Programom dodjeljuju se korisnicima, i to:
 - a) samostalnim poduzetnicima- maksimalno 6.000,00 KM (slovima: šest hiljada konvertibilnih maraka), s tim da se za troškove registracije (isključivo kod refundiranja troškova) dodjeljuje fiksni iznos od 500,00 KM (slovima: petstotina konvertibilnih maraka);
 - b) pravnom licu (ili poslovnoj jedinici) – maksimalno 10.000,00 KM (slovima: deset hiljada konvertibilnih maraka), s tim da se za troškove registracije (isključivo kod refundiranja troškova) dodjeljuje fiksni iznos od 1.500,00 KM (slovima: hiljadu petstotina konvertibilnih maraka).
- (2) Troškovi registracije uključeni su u maksimalan iznos sredstava koji se odobravaju po jednom korisniku.
- (3) Relevantan i prihvatljiv dokaz o namjenskom utrošku sredstava utvrđenih u stavu (1) ovog člana za troškova registracije predstavlja Aktualan izvod iz sudskog registra, odnosno Rješenje o registraciji od nadležnog gradskog/općinskog organa.

Član 18.

(Namjena utroška sredstava i rok za implementaciju)

- (1) Sredstva iz člana 26. ovog Programa namijenjena su za:
 - a) **refundiranje** prihvatljivih troškova nastalih od 01.01.2023. godine do zadnjeg dana objave Javnog poziva i to:
 - troškovi registracije (notarske, knjigovodstvene i administrativne obrade dokumenata, sudske i administrativne takse te izradu pečata firme);
 - troškovi nabavljene opreme, softver opreme i unutrašnjeg uređenja proizvodno/poslovnog prostora (građevinski i instalacijski radovi)
 - b) **sufinansiranje** troškova nabavke opreme, softver opreme i unutrašnjeg uređenja proizvodno/poslovnog prostora (građevinski i instalacijski radovi).
- (2) Podnosioc prijave koja se odnosi na sufinansiranje iz ovog člana stav (1) alineja b) za realizaciju projekta mora učestvovati sa minimalno 10% vlastitih sredstava za realizaciju u ukupnoj vrijednosti projekta.
- (3) Rok za implementaciju projekta po potpisanom Ugovoru za korisnike sredstava iz stava (1) alineja b) ovog člana je maksimalno 6 mjeseci od dana potpisivanja Ugovora.
- (4) Neprihvatljivi troškovi za koje se ne mogu refundirati sredstva su: osnivački kapital, plaće i doprinosi na plaće, troškovi režija i održavanja, kamate, ugradnja stolarije, podizanje krovnih konstrukcija, vanjski građevinski radovi, police osiguranja imovine i ljudi, kupovina i iznajmljivanje objekata, zemljišta, svih motornih i priključnih vozila, kupovina, obnova,

rekonstrukcija ili modernizacija objekta za najam ili prodaju, kao i nabavka opreme od lica koja nisu registrovana kao poslovni subjekti.

- (5) Svako korištenje odobrenih sredstava suprotno namjenama utvrđenim stavom (1) ovog člana smatrat će se nenamjenskim utroškom.
- (6) Korisnici koji dobiju sredstava od Ministarstva po predmetnom Programu ne mogu prestati sa radom u periodu od minimalno jedne godine, u suprotnom u obavezi su vratiti dodijeljena sredstva u cjelokupnom iznosu.

Član 19.
(Kriterij za odabir korisnika)

R/b	Kriterij	Uslovi	Broj bodova	Izvor verifikacije (dostavljena dokumentacija)
1	Broj zaposlenih	1 zaposlen	1	Lista osiguranih lica izdana od strane Porezne uprave
		Preko 2 zaposlena	3	
2.	Vrsta djelatnosti	Proizvodna	3	Obavijest o razvrstavanju subjekata prema djelatnosti usklađeni sa KD 2010 (Zavod za statistiku F BiH)
		Proizvodno-uslužna	2	
		Uslužna	1	
3.	Vlastito učešće u ukupnoj vrijednosti projekta iznosi više od minimalno zahtjevanih 10%	41% - 60%	3	Izjava o vlastitom učešću finansijskih sredstava za realizaciju Projekta
		21% - 40%	2	
		10% - 20%	1	
4.	Broj zaposlenih iz ciljnih skupina (žene, mladi do 35 godina i osobe sa invaliditetom)	Žene	1	Izjava podnosioca prijave o pripadnosti uposlenika sa liste osiguranih o pripadnosti ciljnim skupinama
		Mladi od 35 godina	1	
		Osobe sa invaliditetom	1	
5.	Poslovanje subjekta male privrede u jedinicama lokalne samouprave	Izrazito nerazvijene JLS (I grupa)	3	Uredba o izradi indeksa razvijenosti u F BiH, Federalni Zavod za programiranje razvoja
		Nerazvijene JLS (II grupa)	2	
		III, IV i V grupa	1	
6.	Certificirani proizvođači	Certifikat, Uvjerenje	2	Obrtnička/Privredna komora

Član 20.
(Prijava na Javni poziv i potrebna dokumentacija)

- (1) Sredstva se dodjeljuju na osnovu Javnog poziva kojeg raspisuje Ministarstvo, a koji će se objaviti u Unsko-sanskim novinama „Krajina“ i na web stranici Vlade Unsko-sanskog kantona (u daljem tekstu: Vlada Kantona): www.vladausk.ba.
- (2) Prijava na Javni poziv se vrši putem Prijavnog obrasca koji se preuzima direktno sa web stranice Vlade Kantona www.vladausk.ba.
- (3) Uz Prijavni obrazac potrebno je dostaviti sljedeću dokumentaciju:
 - a) budžet projekta (dostupan na web stranice Vlade Kantona www.vladausk.ba);

- b) **za sufinansiranje:** Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta iznosi više od minimalno zahtjevanih 10%), (ovjeren pečatom pravnog/fizičkog lica i potpisan od strane ovlaštene osobe);
- c) original ili ovjerena fotokopija **aktualnog izvoda iz sudskog registra** (pravna lica) ne stariji od 3 mjeseca od dana objave Javnog poziva, odnosno original ili ovjerena fotokopija **Rješenja o registraciji od nadležnog gradskog/općinskog organa** (fizičko lice) (ovjera ne starija od 3 mjeseca od dana objave Javnog poziva);
- d) ovjerena fotokopija Uvjerenja o poreznoj registraciji (ID broj) (ovjera ne starija od 3 mjeseca od dana objave Javnog poziva);
- e) ovjerena fotokopija Obavijesti o razvrstavanju subjekta prema djelatnosti usklađeno sa klasifikacijom djelatnosti KD 2010 (F BiH Zavod za statistiku) (ovjera ne starija od 3 mjeseca od dana objave Javnog poziva);
- f) original ili ovjerena fotokopija Uvjerenja od Porezne uprave o izmirenju direktnih poreza, doprinosa za PIO/MIO i doprinosa za zdravstveno osiguranje za sve uposlene (ne starije od 3 mjeseca od dana objave Javnog poziva) (izuzev onih koji posluju manje od mjesec dana);
- g) original ili ovjerena fotokopija Uvjerenja o urednom izmirenju indirektnih poreza od Uprave za indirektno oporezivanje (ukoliko je u sistemu PDV-a) (ne starije od 3 mjeseca od dana objave Javnog poziva) (izuzev onih koji posluju manje od mjesec dana) ili Izjava podnosioca prijave da isti nije u sistemu PDV-a, potpisana i ovjerena od strane podnosioca (izuzev onih koji posluju manje od mjesec dana);
- h) original ili ovjerena fotokopija Liste osiguranika izdana od strane Porezne uprave ne starija od 30 dana od dana objave Javnog poziva;
- i) izjava podnosioca prijave o pripadnosti uposlenika sa liste osiguranika o ciljnim skupinama (žene, mladi do 35 godina i osobe sa invaliditetom), potpisana i ovjerena od strane podnosioca;
- j) fotokopija dokumenta iz kojeg je vidljiv broj transakcijskog računa na koji će se sredstva doznačiti (ugovor, karton deponovanih potpisa, potvrda);
- k) **Za refundiranje:** Računi ili ugovori, izdati od poslovnog subjekta, sa specifikacijom troškova kao dokaz o nabavljenoj opremi, softver opremi ili unutrašnjem uređenju proizvodnog/poslovnog prostora (građevinski i instalacijski radovi), original ili ovjerena kopija i izvod iz banke o izvršenom plaćanju te fotodokumentacija nabavljene opreme, softver opreme ili prostora koji je uređen;
- l) **Za subvencioniranje:** Ponuda ili predračun sa uključenom tehničkom specifikacijom troškova, izdat od poslovnog subjekta od kojeg se planira nabaviti oprema, softver oprema ili se planira unutrašnje uređenje proizvodnog/poslovnog prostora (građevinski i instalacijski radovi). **Dostavljena ponuda ili predračun ne mogu biti stariji od dana objave Javnog poziva;**
- m) izjava podnosioca prijave da nisu korištena poticajna sredstva iz Budžeta F BiH, kantona, jedinica lokalne samouprave za istu namjenu za koju se podnosi prijava, potpisana i ovjerena pečatom podnosioca prijave (dostupna na web stranici Vlade Kantona www.vladausk.ba).
- n) izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona www.vladausk.ba).

Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.

POGLAVLJE IV. START UP

Član 21. (Predmet mjere)

Predmet mjere je prikupljanje prijava punoljetnih fizičkih lica koja imaju poduzetnički duh, s inovativnim i provedivim poslovnim idejama za pokretanje vlastitog biznisa. Mjerom se pruža podrška, odnosno finansijski poticaj za pokretanje vlastitog biznisa - start up u skladu sa prihvaćenim biznis planom, s ciljem smanjenja stope nezaposlenosti u Kantonu, povećanja broja subjekata male privrede, održivog razvoja i implementacije aktivnosti koje doprinose realizaciji mjera predviđenih Strategijom razvoja Unsko-sanskog kantona 2021-2027.

Član 22. (Sredstva za implementaciju)

Sredstva za implementaciju ove mjere obezbijedena su u Budžetu Ministarstva na ekonomskom kodu 614500 FAP004 – „Subvencije privatnim preduzećima i poduzetnicima - oblast turizma“ u ukupnom iznosu od 100.000,00 KM (slovima: stotinhiljada konvertibilnihmaraka).

Član 23. (Pravo učešća)

- 1) Pravo učešća imaju punoljetna lica sa prebivalištem na području Unsko-sanskog kantona, a koja imaju poslovnu ideju za samozapošljavanje i samostalni početak biznisa razrađenu kroz biznis plan i koja imaju namjeru registrovati firmu te da poslovna ideja (uobičajena i razvijena u dostavljenom biznis planu) jeste aktivnost koja se može registrovati kao osnovna ili dodatna djelatnost prema klasifikaciji djelatnosti KD BiH 2010 („Službeni glasnik BiH“, broj: 47/10) u okviru proizvodne, proizvodno-uslužne i uslužne djelatnosti.
- 2) Neprihvatljive djelatnosti uključuju:
 - Područje D/35.11 – Proizvodnja električne energije;
 - Područje J/58 – Izdavačka djelatnost;
 - Područje J/60 – Emitovanje programa;
 - Područje J/61 – Telekomunikacije;
 - Područje M/70 – Upravljačke djelatnosti; savjetovanje u vezi upravljanjem;
 - Područje M/73 – Promocija (reklama i propaganda) i istraživanje tržišta;
 - Područje N/80.20 – Usluge zaštite uz pomoć sigurnosnih sistema;
 - Područje N/81.10 – Pomoćne djelatnosti upravljanja zgradama.

Član 24.
(Uslovi za dodjelu sredstava)

Pravo na dodjelu poticajnih sredstava imaju lica definisana u članu 3. koja ispunjavaju sljedeće uslove:

- 1) da imaju prebivalište na području Kantona;
- 2) da su punoljetni;
- 3) da su dostavili ispravno popunjen prijavni obrazac (prilog 1.);
- 4) da su dostavili biznis plan izrađen prema ekonomskim standardima, a koji obavezno uključuje: ukupna sredstva za realizaciju poslovne ideje, sopstvena uložena sredstva za realizaciju poslovne ideje i poticajna grant sredstva koja podnosilac prijave traži za realizaciju poslovne ideje, s tim da u biznis planu podnosioci prijave ne smiju predvidjeti korištenje poticajnih grant sredstava za neprihvatljive troškove (prilog 2.);
- 5) da imaju namjeru da se bave vlastitim biznisom i da su spremni registrovati firmu u svom stopostotnom vlasništvu u slučaju da budu odabrani podnosioci prijave;
- 6) da do dana podnošenja prijave nisu koristili poticajna sredstva koja potiču iz Budžeta Kantona i/ili budžeta jedinica lokalnih samouprava, javne ustanove Služba za zapošljavanje Unsko-sanskog kantona, Federalnog zavoda za zapošljavanje ili donatorskih organizacija za iste aktivnosti za koje su podnijeli aplikaciju za dodjelu grant sredstava, odnosno da nisu zaključili ugovore o dodjeli grant sredstava koja potiču iz prednje navedenih izvora;
- 7) da su spremni osigurati vlastito sufinansiranje od minimalno 10% od ukupne vrijednosti projekta;

Član 25.
(Maksimalni iznos sredstava koji se dodjeljuje)

Maksimalni iznos sredstava po jednom korisniku iznosi:

- a) za registraciju pravnog lica 10.000,00 KM (slovima: deset hiljadakonvertibilnih maraka)
- b) za registraciju samostalnog poduzetnika 6.000,00 KM (slovima: šest hiljadakonvertibilnih maraka).

Član 26.
(Namjena utroška sredstava i rok za implementaciju)

- (1) Sredstva iz člana 25. namijenjena su za:
 - a) refundiranje troškova registracije firme (npr. troškovi taksi, advokatske usluge, troškovi kopiranja i ovjeravanja dokumenata, izrada pečata i sl.);
 - b) sufinansiranje troškova nabavke mašina, postrojenja, opreme, softverskih rješenja (program), unutrašnjeg uređenja proizvodno/poslovnog prostora (materijal i usluge za građevinske i instalacijske radove).
- (2) Neprihvatljivi troškovi za koje se ne mogu koristiti sredstva su: osnivački kapital ukoliko je predviđeno osnivanje pravnog lica (d.o.o.); plaće i doprinosi na plaće; nabavka opreme i mašina od lica koja nisu registrovani poslovni subjekti; vanjski građevinski radovi i kupovina/najam osobnih vozila; nadoknade za projektne partnere koji su

angažirani na implementaciji aktivnosti; dugovanja i rezerve za gubitke; dugovanja po kamati; troškovi režija i održavanja (voda, struja, grijanje, komunalni otpad, telekomunikacije, upravljanje zgradom, internet i slično), kupovina, obnova, rekonstrukcija, modernizacija objekata za ličnu upotrebu; kupovina, obnova, rekonstrukcija, modernizacija objekata za najam ili prodaju; izvršavanje radova ili osiguravanje robe, usluga, zemljišta i nekretnina za koje nije izvršeno plaćanje u gotovini, potkrijepljeno računima ili dokumentima iste dokazne vrijednosti; doprinosi za dobrovoljna zdravstvena ili penziona osiguranja koji nisu obavezna prema zakonodavstvu; kazne i troškovi sudskog spora; plaćanja neoporezivih bonusa zaposlenima; bankovni troškovi za otvaranje i vođenje računa; naknade za finansijske transfere i drugi troškovi u potpunosti finansijske prirode, kamate, trošak police osiguranja imovine (uključuje i imovinu nabavljenu iz projekta); studentske posjete; kupovina i iznajmljivanje zemljišta i postojećih zgrada; troškovi konverzije, nadoknada ili gubici prilikom konverzije valuta; kreditiranje trećih osoba i ostali troškovi nespomenuti kao prihvatljivi i koji nisu relevantni za implementaciju projekta.

- (3) Bespovratna sredstva mogu se koristiti samo za one prihvatljive troškove koji su nastali u ime i za račun poslovnog subjekta u stopostotnom vlasništvu odabranog podnosioca prijave nakon objave Javnog poziva.
- (4) Korisnik poticajnih grant sredstava ima obavezu da, po izvršenom odabiru i stjecanju statusa korisnika sredstva (Konačna rang lista), u roku od 3 (tri) mjeseca dostavi dokaz o registraciji poslovnog subjekta u stopostotnom vlasništvu odabranog podnosioca prijave.
- (5) Rok za implementaciju preostalog dijela predloženih prihvatljivih troškova je 6 mjeseci od dana potpisivanja ugovora.
- (6) Svako korištenje odobrenih sredstava suprotno namjenama utvrđenim u stavu (1) ovog člana smatrat će se nenamjenskim utroškom.
- (7) Korisnici koji dobiju sredstava od Ministarstva po predmetnoj mjeri ne mogu prestati sa radom u periodu od minimalno jedne godine, u suprotnom su u obavezi vratiti dodijeljena sredstva u cjelokupnom iznosu.

Član 27.

(Kriterij za odabir korisnika)

Rb	Kriterij	Uslovi	Broj bodova	Izvor verifikacije koji je obavezujući za podnosioca prijave
1	Vrsta djelatnosti koja se namjerava registrovati	Proizvodna	3	Prijavni obrazac
		Proizvodno-uslužna	2	
		Uslužna	1	
2	Podnosilac prijave (žene, mladi do 35 godina, osobe sa invaliditetom)	žene	1	Prijavni obrazac i Izjava
		mladi do 35 godina	1	
		osobe sa invaliditetom	1	

3	Vlastito učešće u ukupnoj vrijednosti projekta (minimalno 10%)	41-60%	3	Izjava o vlastitom učešću finansijskih sredstava za realizaciju Projekta
		21-40%	2	
		10-20%	1	
4	Poslovanje budućeg subjekta male privrede u jedinicama lokalne samouprave	Izrazito nerazvijene JLS	3	Uredba o izradi indeksa razvijenosti u F BiH, Federalni Zavod za programiranje razvoja
		Nerazvijene JLS	2	
		Razvijene JLS	1	

Član 28.

(Prijava na Javni poziv i potrebna dokumentacija)

- (1) Sredstva se dodjeljuju na osnovu Javnog poziva kojeg raspisuje Ministarstvo, a koji će se objaviti u Unsko-sanskim novinama „Krajina“ i na web stranici Vlade Unsko-sanskog kantona (u daljem tekstu: Vlada Kantona): www.vladausk.ba.
- (2) Prijava na Javni poziv se vrši putem Prijavnog obrasca (prilog 1.) koji se preuzima direktno sa web stranice Vlade Kantona www.vladausk.ba.
- (3) Uz Prijavni obrazac potrebno je dostaviti sljedeću dokumentaciju:
 - a) biznis plan potpisan od strane podnosioca prijave (prilog 2.);
 - b) CIPS prijavu mjesta boravka ne stariju od 15 dana od dana objave Javnog poziva u originalu ili ovjerenj fotografiji;
 - c) izjave potpisane od strane podnosioca prijave dostupne na web stranici Vlade Kantona www.vladausk.ba, (prilog 3. i 4.);
- (4) Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži stavom (3) ovog člana.
- (5) Odabrani podnosioci prijave prije zaključivanja ugovora o dodjeli grant sredstava imaju obavezu registracije firme u njihovom stopostotnom vlasništvu u roku definisanom u članu 26. stav (4), a Ministarstvo će sa poslovnim subjektima u stopostotnom vlasništvu odabranih podnosioca prijave zaključiti ugovore tek nakon što isti dostave cjelokupnu dokumentaciju potrebnu za zaključivanje ugovora o dodjeli poticajnih grant sredstava, koja uključuje:
 - a) rješenje o registraciji poslovnog subjekta, u stopostotnom vlasništvu odabranog podnosioca prijave, izdato od strane nadležnog organa, u ovjerenj fotografiji;
 - b) uvjerenje o registraciji poreznog obveznika, u stopostotnom vlasništvu odabranog podnosioca prijave, izdato od strane Porezne uprave Federacije BiH u ovjerenj fotografiji;
 - c) obavještenje o razvrstavanju poslovnog subjekta, u stopostotnom vlasništvu odabranog podnosioca prijave, prema klasifikaciji djelatnosti, izdato od strane Federalnog zavoda za statistiku, u ovjerenj fotografiji;
 - d) ugovor o transakcijskom računu, zaključen između poslovne banke i poslovnog subjekta u stopostotnom vlasništvu odabranog podnosioca prijave, u ovjerenj fotografiji;
 - e) obrazac JS 3100 (prijava osiguranja odabranog podnosioca prijave zaposlenog u poslovnom subjektu, kao korisniku sredstava, koji je u njegovom stopostotnom vlasništvu), izdato od od Porezne uprave u ovjerenj fotografiji.

POGLAVLJE IV. PRELAZNE I ZAVRŠNE ODREDBE

Član 29. (Način podnošenja prijave)

- (1) Prijave sa potrebnom dokumentacijom dostavljaju se neposredno na protokol Vlade Kantona ili preporučeno putem pošte, na adresu:

**Ministarstvo privrede Unsko-sanskog kantona, Ul. Alije Đerzeleza 2, 77 000 Bihać,
s naznakom**

Prijava po Javnom pozivu

„Jačanje konkurentnosti subjekata male privrede - fizička i pravna lica u turističko-ugostiteljskoj djelatnosti“

„NE OTVARAJ“

Prijava po Javnom pozivu

„Podrška novoosnovanim subjektima male privrede i obrtima“

„NE OTVARAJ“.

Prijava po Javnom pozivu

„START UP“

„NE OTVARAJ“

Na poledini koverte obavezno navesti naziv podnosioca prijave i adresu.

- (2) Rok za podnošenje prijava je **30 (trideset) dana** od dana objave Javnog poziva.
- (3) Neblagovremene prijave koje su dostavljene nakon isteka roka određenog Javnim pozivom neće se uzeti u razmatranje i iste se ne vraćaju podnosiocima prijava.
- (4) Podnosioci prijava mogu podnijeti samo jednu prijavu po jednoj mjeri iz ovog Javnog poziva. U slučaju više prijava istog podnosioca sve prijave će biti odbačene kao neosnovane i neće biti predmet daljeg razmatranja.

Član 30.

(Obrada prijava i izbor korisnika za mjeru “Jačanje konkurentnosti subjekata male privrede- fizička i pravna lica u turističko-ugostiteljskoj djelatnosti”)

- (1) Za obradu prijava po Javnom pozivu za odabir korisnika sredstava po Programu poticaja razvoja turizma za 2023. godinu: **„Jačanje konkurentnosti subjekata male privrede- fizička i pravna lica u turističko-ugostiteljskoj djelatnosti“** ministrica Ministarstva privrede (u daljem tekstu: Ministrica) Rješenjem imenuje Komisiju.
- (2) Komisija ima zadatak da u skladu sa kriterijima i procedurama utvrđenim ovim Programom i Javnim pozivom, izvrši evaluaciju i bodovanje, sačini preliminarne rang liste korisnika sredstava, fizičkih i pravnih lica, i liste subjekata male privrede, fizičkih i pravnih lica, čije su prijave neblagovremene, nepotpune i neosnovane te iste dostavi Ministrici. Liste se objavljuju na web stranici Vlade Kantona: www.vladausk.ba.
- (3) Na objavljene liste subjekti male privrede imaju pravo prigovora koji se podnosi Ministarstvu u pisanoj formi, u roku od osam dana od dana objavljivanja listi na web stranici Vlade Kantona: www.vladausk.ba.
- (4) Nakon isteka roka za prigovor i nakon rješavanja po uložnim prigovorima u roku od 8 dana od dana isteka roka za podnošenje prigovora, Ministrica donosi Konačnu rang listu korisnika

sredstava sa ukupnim brojem bodova i iznosom odobrenih poticajnih sredstava, na koju Vlada Kantona daje saglasnost i ista se objavljuje na web stranici Vlade Kantona.

Član 31.

(Obrada prijava i izbor korisnika za mjeru „Podrška novoosnovanim subjektima male privrede“ i „Start up“)

- (1) Za obradu prijava po Javnom pozivu za odabir korisnika sredstava po Programu poticaja razvoja turizma za 2023. godinu: „Podrška novoosnovanim subjektima male privrede“ i „Start up“ ministrica Ministarstva privrede (u daljem tekstu: Ministrica) Rješenjem imenuje Komisiju.
- (2) Komisija ima zadatak da u skladu sa kriterijima i procedurama utvrđenim ovim Programom i Javnim pozivom izvrši evaluaciju i bodovanje, sačini preliminarne rang liste korisnika sredstava i liste podnosilaca prijava, čije su prijave neblagovremene, nepotpune i neosnovane te iste dostavi Ministrici. Liste se objavljuju na web stranici Vlade Kantona: www.vladausk.ba.
- (3) Na objavljene liste podnosioci prijava imaju pravo prigovora koji se podnosi Ministarstvu u pisanoj formi, u roku od osam dana od dana objavljivanja listi na web stranici Vlade Kantona: www.vladausk.ba.
- (4) Nakon isteka roka za prigovor i nakon rješavanja po uložnim prigovorima u roku od 8 dana od dana isteka roka za podnošenje prigovora, Ministrica donosi Konačne rang liste korisnika sredstava sa ukupnim brojem bodova i iznosom odobrenih poticajnih sredstava, na koju Vlada Kantona daje saglasnost i ista se objavljuje na web stranici Vlade Kantona

Član 32.

(Ugovor o dodjeli sredstava)

- (1) Nakon dobijanja saglasnosti Vlade Kantona na liste korisnika sredstava iz člana 30. stav (4) Ministarstvo sa odabranim korisnicima zaključuje Ugovore o dodjeli sredstava (u daljem tekstu: Ugovor).
- (2) Ugovor iz stava (1) ovog člana sadrži: ugovorne strane, predmet i cilj Ugovora, odobreni iznos sredstava i doznačavanje, obaveze i odgovornosti ugovornih strana, trajanje i raskid Ugovora i ostale elemente Ugovora.
- (3) Nakon dobijanja saglasnosti Vlade Kantona na listu korisnika sredstava iz člana 31. stav (4) mjera „Podrška novoosnovanim subjektima male privrede“, Ministarstvo sa odabranim korisnicima zaključuje Ugovore o dodjeli sredstva.
- (4) Ugovor o dodjeli sredstava iz stava (3) ovog člana sadrži: ugovorne strane, predmet i cilj Ugovora, odobreni iznos sredstava i doznačavanje, obaveze i odgovornosti ugovornih strana, trajanje i raskid Ugovora i ostale elemente Ugovora.
- (5) Nakon dobijanja saglasnosti Vlade Kantona na liste korisnika sredstava iz člana 31. stav (4) mjera „Start up“, Ministarstvo sa odabranim korisnicima zaključuje Ugovore o dodjeli sredstava (u daljem tekstu: Ugovor), nakon ispunjenja uvjeta iz člana 26. stav (4) i dostavljanja dokaza iz člana 28. stav (5).

Član 33.
(Izveštavanje o utrošku sredstava)

- (1) Korisnici sredstava su dužni pravdati utrošak ukupnih sredstava (ukupna vrijednost projekta) predviđenih za realizaciju projekta, kako vlastitih tako i dodijeljenih budžetskih sredstava. Za sva neopravdana sredstva Ministarstvo će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti projekta.
- (2) Rok za dostavu izvještaja za korisnike sredstava po mjeri *„Jačanje konkurentnosti subjekata male privrede - fizička i pravna lica u turističko-ugostiteljskoj djelatnosti“* je najkasnije 15 dana od dana isteka roka za implementaciju projekta.
- (3) U skladu sa Ugovorom iz člana 23. ovog Programa korisnici sredstava su obavezni dodijeljena sredstva iz budžeta koristiti namjenski i dužni su **dostaviti Izvještaj na propisanom obrascu „Izvještaj o utrošku sredstava“** sa kompletnom dokumentacijom kojom se dokazuje namjenski utrošak sredstava.
- (4) Pravdanje će se vršiti sa odgovarajućom dokumentacijom koja se dostavlja Ministarstvu:
 - a) izvještaj o utrošku finansijskih sredstava - popunjen, potpisan i ovjeren od strane korisnika sredstava,
 - b) izjavu o namjenskom utrošku sredstava ovjerenu kod nadležnog gradskog/općinskog organa ili notara (propisana i dostupna na web stranici Vlade Kantona www.vladausk.ba).
 - c) račune, ovjerene kopije kod nadležnog gradskog/općinskog organa (a koje su u skladu sa predračunima/ponudama dostavljenim uz prijavu na Javni poziv uključujući i zavisne troškove),
 - d) izvodi iz banke na kojem su pored uplaćenih iznosa vidljivi dokumenti po kojim je plaćanje izvršeno-kopija,
 - e) fotodokumentacija-ovjerena na poledini sa pečatom firme (podrazumijeva uslikati svaku nabavljenu stavku po projektu).
 - f) carinska deklaracija-ovjerena kopija kod nadležnog gradskog/općinskog organa (ukoliko se radi o uvozu opreme).
- (5) Kreditna sredstva kao i lizing ne mogu biti prihvaćeni kao vlastito učešće korisnika sredstava za realizaciju projekta po ovom Programu.
- (6) Ministarstvo zadržava pravo traženja i dodatne dokumentacije i pojašnjenja kod provjere namjenskog utroška sredstava (pismenim i usmenim putem).
- (7) Ministarstvo vrši nadzor namjenskog trošenja sredstava odobrenih korisnicima na osnovu dostavljenih Izvještaja, a po potrebi i neposrednim nadzorom kod korisnika sredstava, a na osnovu valjanih izvora verifikacije navedenih u samom Prijavnom obrascu.
- (8) Ukoliko korisnik sredstava ne dostavi Izvještaj o utrošku sredstava, Ministarstvo pokreće zakonom propisan postupak za povrat finansijskih sredstava.
- (9) O utrošenim sredstvima po ovom Programu Ministarstvo će u skladu sa Odlukom o usvajanju programa utroška izvijestiti Vladu Kantona.

Član 34.
(Dodjela sredstava i poništenje Javnog poziva)

- (1) U slučaju da se nakon provedenog Javnog poziva i odabira korisnika sredstava po pojedinačnoj poticajnoj mjeri ne utroše planirana finansijska sredstva za implementaciju definisana članom

5. stav (2) ovog programa, sredstva će se preraspodijeliti na poticajnu mjeru za koju planirana sredstva nisu dovoljna, a o kojima će Ministarstvo predložiti Vladi Kantona Odluku o izmjeni Odluke o usvajanju Programa utroška sredstava „Subvencije privatnim preduzećima i poduzetnicima-oblast turizma“ iz Budžeta Unsko-sanskog kantona - Ministarstvo privrede za 2023. godinu po Programu poticaja razvoja turizma za 2023. godinu.
- (2) Sredstva se dodjeljuju korisnicima u skladu sa bodovnim Konačnim rang listama korisnika sredstava, pojedinačno za fizička i za pravna lica, i za start up, do utroška sredstava predviđenih za implemetaciju pojedinačne poticajne mjere, a nakon eventualne preraspodjele definisane stavom (1) ovog člana.
 - (3) Sredstva iz stava (1) ovog člana se dodjeljuju u vidu državne pomoći male vrijednosti (de minimis pomoć). Državna pomoć male vrijednosti predstavlja pomoć jednom privrednom subjektu za bilo koju svrhu koja se dodjeljuje jednom ili više puta i koja ne prelazi iznos od 200.000 EUR u tri uzastopne fisklane godine shodno članu 2.stav (1) tačka c) Zakona o sistemu državne pomoći u Bosni i Hercegovini („Službeni glasnik BiH“, broj: 10/12 i 39/20).
 - (4) U postupku po Javnom pozivu Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.
 - (5) U slučaju nedostatka sredstava u Budžetu Kantona, obustavlja se realizacija dodjele sredstava.
 - (6) Ministarstvo ne snosi troškove nastale u vezi sa prijavom na Javni poziv.
 - (7) Korisnici sredstava po Programu poticaja razvoja turizma u 2022. godini, koji imaju obavezu povrata sredstava, imaju pravo apliciranja na javni poziv predviđen ovim Programom, s tim da su isti dužni izvršiti svoju obavezu do dana potpisivanja ugovora te o istom obavijestiti ovaj organ uz prilaganje dokaza.
 - (8) Prispjela dokumentacija će se vratiti samo na pismeni zahtjev podnosiocima prijave u slučajevima utvrđenim u stavu (4) i (5) ovog člana.

Član 35.
(Stupanje na snagu)

Ovaj Program stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-02-2190-639/2023
Bihać, 10.08.2023. godine



